

COMMUNICAZIUN A LAS MEDIAS

Premi da la SRG.R per Dario Cologna

Cuira, 24-03-2010 – **Il premi SRG.R 2010 va a Dario Cologna, sportist da passlung, victur als gieus olimpics 2010 a Vancouver, dal classament general da la cuppa mundiala 2008/09 e dal maraton da l'Engiadina 2007 e 2010, oriund da Müstair.**

Dario Cologna ha demussà en sia briglianta carriera sco sportist sia attaschadadad envers sia regiun d'origin, la Val Müstair. El n'ha mai snegà sias ragischs rumantschas. La SRG.R, la societad purtadra da Radio e Televisiun Rumantscha, distingua cun ses premi 2010 Dario Cologna sco persunalitad dal sport e sco ambassadur da la Svizra Rumantscha. Sias prestaziuns sportivas e sia persunalitad simpatica ed autentica èn in mussavia ual era per la giuventetgna.

Dapi 1960 distingua la SRG.R (anteriora CRR) annualmain personas u organisaziuns che han merits spezials sin il sectur cultural e social per la societad insumma, per il rumantsch en spezial. Per l'emprima giada vegn in sportist undrà quest onn. Il sport ha ina posiziun eminenta sco factur d'integraziun ed identificaziun. La SRG.R considerescha quai sco in' impurtant element per rinforzar la Svizra Rumantscha.

Il premi è dota cun CHF 8'000. El vegn surdà a chaschun da la radunanza generala da la SRG.R ils 5 da zercladur a Müstair.

Per ulteriuras infurmaziuns:

Mariano Tschuor, directur RTR
Tel. 081 255 75 75
Mobile: 079 756 63 00
E-mail: mariano.tschuor@rtr.ch